

Transkription von Urkunde HLM 1492a

Ort, Datierung: Helmstedt, 1492-12-15

Signatur: Stadtarchiv Helmstedt, Nr. 470 (472)

Inhalt: Rat der Stadt Helmstedt: Beschluss über die Erneuerung der Dachdeckung der Sankt-Stephani-Kirche zu Helmstedt

Wÿ Borgermester(e)n vnd(e) Rathmann(e) der Stadt helmstede Bekennen(n) openbar vor Jdermenlijck / dat de Erszamen(n) hen(n)igh heÿsen(n) vnd(e) Tile krÿgher vnser Radsz p(er)sonen(n) Olderlude der parkercke(n) / Sanctj Stepphani Bÿnnen(n) vnser Stadt mijt vnsem(e) vulborde wetten(n) vnd(e) willen(n) mijt Mester / hen(n)ighe syÿuerdes dem(e) Blijdecker(e) wonhaftich to hanoÿer sik gudliken(n) voreÿnth vnd(e) vor/draghen(n) Jn dÿsser wijsze dat de gn(an)t(e) hen(n)igh dat Blijdack ou(er) der sÿlften parkercken / wil aff nemen(n) vnd(e) to degghen(n) so sik dat behorth latten(n) de taffelen(n) vm(m)e gheten vnd(e) ganz / nige decken vnd(e) wil dat gud maken so sik dat behorth vnd(e) ganz vnd(e) al bereÿden(n) , dar(e) vor(e) / de gn(an)t(en) Olderlude ohme to gesecht vnd(e) geloÿet to geuen(n) Achtevndetwintich gulde(n) efte so vele / gheldes dar to twe frome Borger ohme twe ferndel helmstedesch ber(e) geloÿet to geÿen(n) to siner / eijghen(en) kost vnd(e) dranck to hulpe , werde hijr namalsz ma(n) to gegeue(n) [...] desz were schulden / de olderlÿde vpneme(n) to dem(e) vorscreue(n) lÿue to hÿlpe , ffordere heft sik de gn(an)t(e) Meijster(e) vorpflicht / de asschen(n) vnd(e) spildinge wil he reÿnigen(n) vnd(e) de Sunte stepphen(n) luttern(n) vnd(e) ghete(n) vnd(e) / ohne de to nÿtte maken , dat dÿsse vordracht so gescheÿn isz vnd(e) ganz vnvorbroken geholde(n) / werden sin to openbarer bewijsinge dusser b(re)ue twe eyn vth dem(e) ander(e)n gesnedden eyner / schrift vnd(e) alleÿnsz luden(n) der de gn(an)t(en) olderlude eÿne(n) hebben(n) vnd(e) gn(an)t(er) mester(e) hennigh / den(e) ander(e)n Nach goddesz borth verteÿnhundert Jndem(e) twe vnde negentigesten jare am(me) son(n)a/ue(n)de na Sunte lucien daghe der(e) hilghen(n) junckfrÿwen(n)